

[122] CHAPITRE VIII.

DE QUELQUES BAPTESMES EN LA RESIDENCE DE LA
CONCEPTION AUX TROIS RIUIERES.

IL se trouue vn certain Apoftat dans le diftrict de
 cette Residence, nommé des fiës 8mafatik8eie,
 c'est à dire le crapaut, ce mefchant homme a
 plus de venin en fon cœur, & en fa langue, que
 cette vilaine beste n'en a en toutes les parties de fon
 corps; il a esté baptifé dans vne grande maladie,
 eftant guery il n'a pas imité ceux qui ont publique-
 ment confeffé dans leur fanté la foy, qu'ils auoient
 receuë dans leur maladie, il s'est declaré publique-
 ment ennemy de Dieu & du Christianifme, faifant
 tous fes efforts pour diuertir ceux qui le voudroient
 embrasser: Il a voulu empescher qu'vn certain nom-
 mé Piefcars, dont ie veux parler, homme affés con-
 neu des fiens, ne receût le fainct Baptesme; mais le
 Diable a esté vaincu dans l'vn de [123] ses plus grands
 fuppots & Dieu a triomphé dans vne ame qui s'est
 renduë fidele; ce bon Neophyte a esté nommé Simon
 par Monsieur de Chanflour commandant au fort des
 Trois Riuieres, comme il vit que les Infidelles, &
 notamment ce miserable Apoftat, le piquotoient fur
 le deffein qu'il auoit de se faire baptifer; il voulut
 rendre fon baptesme le plus folemnel qu'il luy fut
 poffible, protestant par cette action toute publique,
 qu'il ne vouloit point croire en cachette comme Nico-
 deme *propter metum Iudæorum*; mais qu'il vouloit fans